

مساعِد الإِنتِجَريشِن

دليل الاستخدام — فريق الدعم الفني، أفاقي

2026-08-05 v5.8

الجديد في النسخة دي — v5.8

- الحسابات بقت تتحفظ: دوس «احفظ الحساب» بعد الاتصال، والمرة الجاية اختاره من اللسته والخانات تتعجى لوحدها — بدل ما تكتبه كل شوية
- كلمة السر بتتحفظ بس لو وافقت وقت الحفظ، ولو رفضت بيتحفظ الاسم والبيئة بس وخانة كلمة السر بتفضل فاضية
- الحفظ على الجهاز ده بس ومش بيتبع لأى مكان، وكلمة السر مكتوبة مموّهة مش صريحة — بس التمويه إخفاء مش تشفير، فعلى جهاز مشترك احفظ الاسم بس
- نفس اليوزر على بيئتين بيتحفظ سجلين مستقلين، واختيار الحساب بيضبط البيئة معاه، و«امسح» بتشيله فوزًا

إيه الأداة دي

- أداة لفريق الدعم الفني، بتخليك ترد على أسئلة العملاء الخاصة بالـ API من غير ما ترجع لتييم التطوير في مصر.
- ملف واحد بيفتح في المتصفح. مفيش تنصيب ومفيش سيرفر ومفيش قاعدة بيانات.
- جواها كل ريكوستات النظام منقولة حرف بحرف من الكولكشن الرسمي، وشروطات اتجمعت من تذاكر حقيقية اتحلّت.

الأساس — الـ IMEI والـ UID

- النظام يتعامل مع كل عربية برقم اسمه `UID` ، شكله `5fb0e2e703ed529bb30f9af3`. في الرد الحقل اسمه `id`.
- العميل يبيعتهك `IMEI` — 15 رقم مكتوبين على التراك في العربية.
- الاتنين مش نفس الحاجة، والـ `API` ماياخدش الـ `IMEI`.
- الأداة بتحول لوحدها: تلتصق الـ `IMEI` في خانة «حدّد العربية» فوق، وأي ريكوست تفتحه بعدها يبقى جاهز بالرقم الصح.
- خد بالك: `device_serial` رقم تالت مختلف، و `sim_serial` بتاع الشريحة.

إزاي تبدأ

- (١) اتصل — اكتب اسم المستخدم وكلمة السر بتوع حساب العميل في الشريط اللي فوق واضغط «اتصال». الأداة بتجيب التوكن لوحدها وبتجده لو خلص.
- (٢) حدّد العربية — الصق الـ `IMEI` أو الاسم أو رقم اللوحة.
- (٣) ابدأ من التبويب الأول واختار العرض اللي العميل قاله.
- مفيش أي بيانات بتتخزن. كل حاجة في ذاكرة المتصفح وبتروح لما تقفل الصفحة.
- **الحسابات المحفوظة:** بعد ما تتصل، دوس «احفظ الحساب» — المرة الجاية تختاره من اللسته والخانات بتتعبّي لوحدها. الحفظ على الجهاز ده بس، وكلمة السر بتتحفظ **بس لو وافقت** وقت الحفظ. على جهاز مشترك: احفظ الاسم من غير كلمة السر.

لما الريكوست يحتاج حاجة قبله

- ريكوستات كتير محتاجة رقم كيان: إشارات العربية محتاجة رقم العربية، وبيانات الحدث محتاجة رقم الحدث، وهكذا.
- انت عارف الأسماء مش الأرقام — وده طبيعي، الشاشة بتوريك أسماء.
- أول ما تضغط «جرب» على ريكوست زي ده، بتطلعك نافذة بتقولك محتاج إيه بالضبط.
- اكتب الاسم واضغط «اجيبهولك أنا» — الأداة بتجيب اللسته وتطابق وتحط الرقم مكانه.
- ولو عايز تعمل الخطوة بنفسك، اضغط «وريي الخطوات» وهتلاقي أنهي إندبوينت تنادي وأنهي حقل تنسخ.
- الرقم اللي اتحل بيفضل معاك طول الجلسة، فمش هتتسأل عنه تاني.

تثبيت الأداة على الجهاز

- **أندرويد وويندوز وماك:** افتح اللينك، هيطلعك شريط «تثبيت» فوق. اضغطه. ولو ما طلعتش، من قائمة المتصفح اختار «تثبيت التطبيق».
- **آيفون وآيباد:** افتح اللينك في سفاري، اضغط زرار المشاركة تحت، وبعدين «إضافة إلى الشاشة الرئيسية».
- بعد التثبيت بتفتح بأيقونتها من غير شريط متصفح، وتقدر تضغط عليها ضغطة طويلة وتروح لتبويب معين على طول.
- **من غير نت:** البحث وكل الشروحات والأمثلة والدليل شغالين. اللي محتاج نت هو تنفيذ الريكوستات على حساب العميل.
- التحديثات بتيجي لوحدها — الأداة بتقولك أول ما تنزل نسخة جديدة حتى وهي مثبتة.

التبويبات

- ابدأ من هنا — نقطة البداية لأي تذكرة، فيها صندوق «من الـ IMEI للرد الجاهز»، وكراتات للحالات المتكررة، وأمثلة كاملة من أول التذكرة لآخر الرد.
- الريكوسات — بحث في كل ريكوسات النظام، تكتب سؤال العميل بالعامية وتلاقي الريكوسات الصح بمثال جاهز، ولو سببت خانة البحث فاضية بتلاقي كل الموديولز مفتوحة تتصفحها.
- السيناريوهات — سلاسل جاهزة بتنقذ خطوات ورا بعض وبتنقل النتيجة لوحدها.
- أساسيات الإنترنتجيشن — الشروحات والمعلومات المتجمعة والأخطاء المعروفة والمصطلحات.
- الدليل — الصفحة دي.

السيناريوهات

- إثبات إن حساب العميل شغال — بتبعت الرد ده للعميل لما يقول «بياناتي مش شغالة».
- حوّل الـ IMEI لـ UID — خطوتين وتطلعك الرقم مع زرار نسخ.
- آخر موقع لعربية — مواقعها خلال اليوم.
- سرعة عربية — آخر سرعة، وأعلى سرعة ومتوسطها خلال فترة.
- إشارات جهاز واحد — الرد على شكوى «الجهاز مش بيرسل».
- إشارات مجموعة أجهزة — ييفحص كل أجهزة المجموعة ويقولك مين ساكت ومين بيرسل.
- تقرير عربية عن فترة — السلسلة الكاملة لحد النتيجة.
- عدادات جهاز — المسافة وساعات التشغيل مع التحويل.
- لسته عربيات العميل — أسرع فحص لأي شكوى «مش شغال».

الي مقفول وليه

- التصحيح التلقائي مقفول على أي ريكوسات بيعدّل أو ييمسح أو بيعت، إعادة المحاولة على حاجة زي دي ممكن تعمل ضرر في حساب عميل.
- إعادة المحاولة مقفولة على كل ريكوسات الدخول، محاولات الدخول المتكررة بتقفل الحسابات.
- الأداة مابتخترعش ريكوسات، لو الحاجة مش في الكولكشن بتقولك وبتوقف.
- التوكن بيتشال أوتوماتيك من أي نص قبل ما تنسخه.
- كلمة السر مابتتعرضش، بتشوف بصمتها بس — طولها وأنواع حروفها وتحذير لو فيها مسافة زيادة.

أمان التنفيذ — القراءة غير الكتابة

- كل ريكوست في الأداة متصّف: قراءة، أو كتابة، أو حساس — والتصنيف ظاهر جنب المسار وفي نتائج البحث.
- ريكوست الكتابة (إضافة / تعديل / مسح / تعيين / استيراد) مش بيتنفذ غير لما تكتب «نقذ» بإيدك — الضغطة الغلط ما تلمسش داتا العميل.
- «جرب وصحح» بقى للقراءة بس، لأنه بيرمي أكثر من محاولة — وده على الكتابة خطر.
- الريكوستات الحساسة على حساب العميل نفسه (الدخول بحسابه، تصفير الباسورد، مسح الحساب) اتقفل تنفيذها من الأداة خالص — للتوثيق بس.
- خانة «عمليل التذكرة» جنب الاتصال: لو الحساب المتصل مختلف عن العميل اللي بتزد عليه، تحذير بيظهر قبل ما تخط بين عميلين.
- حد أقصى ٤ ريكوستات في نفس اللحظة — الداشبوردات ما تضرش حساب العميل دفعة واحدة.
- الحسابات المحفوظة على الجهاز بس ومحدث بيشوفها غيرك — بس كلمة السر مموّهة مش مشفرة، يعني اللي قدامه الجهاز مفتوح يقدر يوصلها. على جهاز مشترك احفظ الاسم من غير كلمة السر، و«امسح» بتشيل الحساب فورًا.

لما حاجة تفشل

- أول حاجة: بص على صندوق «الريكوست اللي اتبعت فعلًا» تحت النتيجة. بيوريك بالحرف الرابط والهيدرز والبودي.
- الأداة بتقرا رد السيرفر وبتقولك أنه حقل اترفض وليه بالاسم.
- خذ بالك: الأكواد الرقمية في السيستم ده مش قياسية. شفتنا 405 معناها خطأ بيانات مش «ميثود غلط»، و401 جوه رد 200.
- القاعدة: اقرا `message` و `errors` من البودي. الرقم آخر حاجة تبص عليها.
- لو رجع `unit_id : not_found` — يبقى البودي لسه فيه رقم العينة. حدّ عربية بالـ `IMEI` من فوق.
- لو الريكوست نجح، اضغط «نسخ رد كامل للعميل» — بيديك الإندبوينت والبودي والرد في بلوك واحد جاهز للإيميل.

التصعيد

- زرار التصعيد يفتح قائمة أدلة لازم تأشّر عليها: الـ `curl` كامل، الرد كامل، البيئة والوقت، `UID` عربية واحدة، واللي جربته انت.
- الرسالة بتكتب لوحدها وبتقول صراحة إيه المرفق وإيه الناقص، وبتضم سجل اللي الأداة نفّذته في الجلسة.
- كل بند ناقص بيرجّع التذكرة بسؤال وبيضيّع يومين.

المعرفة لازم تكبر

- في تبويب أساسيات الإنترنت فورم «ضيف معلومة جديدة».
- أول ما تيم مصر يرد عليك بحاجة مش موجودة في الأداة، سجّلها في نفس اللحظة وصدّرها وابعث الملف لمسؤول الأداة.
- المسؤول بيجعّ الملفات أسبوعيًا ويرفع نسخة محدّثة.
- من غير الخطوة دي الأداة هتبقى قديمة خلال شهرين.

قاعدة التحديث

- كل نسخة ليها رقم، والرقم ظاهر فوق في الشريط.
- الدليل بيتنزل من جوه الأداة نفسها — تبويب «الدليل» ← زرار «نزل الدليل».
- أي تعديل في الأداة لازم يتسجّل في الدليل والملف المطبوع، في نفس الوقت.
- الجديد في كل نسخة بيتعلّم بلون مختلف عشان تقرا الفرق بسرعة.
- **قبل أي نشر، كل الاختبارات بتتشغل.** لو واحد فشل، البناء بيقف ومفيش نشر. مش وعد — الكود بيمنعه.
- **الأداة بتقول لوحدها لما تنزل نسخة أحدث.** الفريق ما يفضلش شغال على نسخة قديمة من غير ما يعرف.
- دليل قديم أخطر من إنه ما يكونش موجود، لأن الناس بتصدّقه.

ريكويستات متشالة عن قصد

- إضافة العريبات وحذفها مش موجودين في الأداة. لو دّورت عليهم مش هتلاقيهم، وده مقصود.
- السبب: الدعم بيشخص ويشرح، مش بيعمل ولا ييمسح عريبات في حساب عميل.
- المتشال: `g delete- /units/bulk g /units/delete g /units/add`
`.delete-forever- /units/bulk g /units/delete_forever`
- لو حالة محتاجة واحد منهم فعلاً، دي تروح للفريق اللي مسؤول عنها مش للدعم.

كل النسخ

v5.8

- الحسابات بقت تتحفظ: دوس «احفظ الحساب» بعد الاتصال، والمررة الجاية اختاره من اللسته والخانات تتعبي لوحدها — بدل ما تكتبه كل شوية
- كلمة السر بتتحفظ بس لو وافقت وقت الحفظ، ولو رفضت بيتحفظ الاسم والبيئة بس وخانة كلمة السر بتفضل فاضية
- الحفظ على الجهاز ده بس ومش بيتبع لأى مكان، وكلمة السر مكتوبة مموّهة مش صريحة — بس التمويه إخفاء مش تشفير، فعلى جهاز مشترك احفظ الاسم بس
- نفس اليوزر على بيئتين بيتحفظ سجلين مستقلين، واختيار الحساب يبطب البيئة معاه، و«امسح» بتشيله فورًا

2026-08-05

v5.7

- الرد الفاضي بقى صريح: «سليم والاتصال شغال — بس صفر سجلات مطابقة للفلاتر» بدل ما يتقال عليه مش لسته — عشان محدش يقول للعميل في عطل وهو الفلاتر ضيق
- التصعيد بقى بياخد معاه الحساب المتصل وعميل التذكرة أوتوماتيك، جنب سجل اللي اتنفذ اللي كان موجود — من غير توكن ولا باسورد
- كارت العربية بقى يعرض المجموعات اللي العربية فيها
- الكلام العريض في الدليل بقى يظهر عريض فعلاً — على الشاشة وفي الملف المطبوع، بدل نجمتين حواليه
- اسأل «رقم الشريحة» أو «امتى اتضاف الجهاز» وهتوصل للريكوست الصح على طول

2026-08-05

v5.6

- كارت العربية بقى بيعرض الشريحة — من السجل مباشرة أو من الحقول المخصصة لو متسجلة هناك
- «آخر تحديث» بقى يظهر حتى لو صيغة التاريخ غريبة، ومكتوب جنبه إنه آخر إشارة من الجهاز ومنها بيتحسب أونلاين/أوفلاين
- تاريخ إضافة الجهاز على الحساب اتضاف للكارت، وريكوست اللسته بقى يطلبه من السيستم

2026-08-05

v5.5

- ريكوست الكتابة بقى محتاج تأكيد مكتوب («نقّذ») قبل ما يتبعث — الضغطة الغلط ما تعدّش ولا تمسح من حساب العميل
- الريكوستات الحساسة على حساب العميل (الدخول بحسابه، تصفير الباسورد، مسح الحساب) اتقفل تنفيذه من الأداة — للتوثيق بس
- كل ريكوست عليه تصنيفه: قراءة أو كتابة أو حساس — في نتائج البحث وجنب المسار، و«جرب وصّح» بقى للقراءة بس

- خانة «عميل التذكرة» بتحدّرك لو متوصل بحساب مختلف عن اللي بترد عليه — عشان رد عميل ما يروحش لعميل ثاني
 - سقف ٤ ريكوستات متزامنة، وأسماء العملاء اتشالت من مصدر الزيب العام لملف خاص والزيب بقى يتبني طازة مع كل نشر
- 2026-08-05

- v5.4**
- اللينك الكامل والأمثلة بقوا بيعرضوا <YOUR_TOKEN> بدل توكنك الحقيقي — دول أكثر حاجة بتتنسخ وتتبعث للعملاء
 - زرار «أظهر توكني» جنب اللينك لو عايز تشغّل المثال في الترمنال بنفسك، ولما يظهر بيتكتب تحذير إنك ما تنسخ منه للعميل وهو ظاهر
 - التنفيذ الفعلي مش متأثر — «جرب مرة واحدة» و«جرب وصحّح» بيعتوا بالتوكن الحقيقي في كل الحالات
 - التوكن يرجع مخفي لوحده مع أي اتصال جديد أو قطع اتصال
- 2026-08-04

- v5.3**
- الأوضاع الثلاثة بقت تحت الرد الحي كمان — مش في «افحص رد» بس. تشغّل ريكوست وتبدّل العرض في مكانه من غير ما تنسخ وتروح لتبويب ثاني
 - التبديل بين الأوضاع بيعيد الرسم من الرد المحفوظ — ما بيعتش ريكوست جديد لحساب العميل
 - الأزرار اللي تحت الرد — نسخ رد كامل ودليل الاستخدام ونسخ الـ `curl` — بتفضل شغالة بعد أي تبديل
 - التوكن اللي جوه رد العميل بقى متخفي في العرض الخام كمان، مش توكن جلستك بس
- 2026-08-04

- v5.2**
- «افحص رد» بقى يفتح على الرد نفسه — كان يفتح على العرض المقروء ويخفي اللي انت لزقتة، وده كان غلط
 - ثلاث أوضاع تختار بينها: الرد زي ما هو، وعرض مقروء بالكروت، وجدول الحقول
 - التحليل اللي فوق — النجاح ولا الخطأ وعدد السجلات — بيفضل ظاهر في كل الأوضاع
 - أي قيمة اسمها توكن أو كلمة سر بتتخفي حتى في العرض الخام، مع زرار إظهار — الرد ممكن يكون بتاع العميل وفيه توكنه، والشاشة بتتصوّر وتتبعث
- 2026-08-04

- v5.1**
- تدقيق لغوي على كل النصوص العربية في الأداة — 716 نص
 - أهم اللي اتصلح: الأداة كانت بتسمّي نفسها باسمين، «الأداة» في 22 موضع و«التول» في 17. بقت اسم واحد
 - وتيم التطوير كان بيتقال عليه «مصر» لوحدها مرة و«تيم مصر» مرة — بقى اسم واحد كمان

- اتصلحت صياغات كانت ملخبطة، وتذكير وتأنيث في جملة، وشذات ناقصة على أفعال
- التدقيق بقى جزء من البناء: ييفحص الإملاء والترقيم وثبات المصطلحات، والبناء ييقف لو لقى ملاحظة

2026-08-04

v5.0

- «افحص رد» بقى يفتح على «عرض للمستخدم»: كل سجل في كارت بأسماء عربية ووحدات محوالة وحالة واضحة، بدل صف حقول خام
- ساعات التشغيل بتتعرض بالساعات ومكتوب تحتها إن الرد بيرجّعها بالثواني · المسافة بالكيلومتر بغواصل · السرعة بوحدتها
- شارة أونلاين أو أوفلاين، وشارة بتتحرك أو واقفة — من آخر تحديث ومن السرعة
- آخر تحديث بيتعرض بالوقت النسبي: من دقيقتين، من 5 ساعات، من يومين
- زرار «جدول الحقول» لو عايز الأسماء الخام زي ما هي
- الرد اللي مش لسته — زي تسجيل الدخول — بقى يتعرض بقراءة مفهومة بدل JSON خام، والقيم الحساسة متخبية
- اتصلح الجمع في العربي: كان بيكتب «من 5 ساعة» و«من 2 يوم»

2026-08-04

v4.9

- زرار «دليل استخدام للعميل» — بيحوّل الرد اللي قدامك لورقة بتقول لمطوّر العميل يقرأه إزاي
- يطلّع أسماء الحقول من الرد نفسه بقيمها الحقيقية، ويشرح اللي يعرفه منها: الفرق بين `IMEI` و `UID` ، وإن ساعات التشغيل بالثواني، وإن `status_code` هو الحالة الحقيقية
- ومعاه كود شغال بايثون وجافاسكريبت بالمسار الصح، ييفحص الحالة من البودي، وييلف على السجلات، ويحوّل الثواني لساعات
- وقايمة بالفخاخ: الـ 200 اللي معناهاش نجاح، والتوكن في اللينك مش في الهيدر، وإن أغلب الريكويستات POST حتى للقراءة
- بيتكّيف مع الرد — ما بيتكلمش عن ساعات تشغيل لو مش موجودة، ولا عن التوكن لو الإندبوينت مالوش
- القيم الحساسة زي التوكن بتتعرض كـ `hidden` لأن الورقة دي بتروح للعميل
- موجود من مكانين: بعد أي تجربة ناجحة، ومن تبويب «افحص رد» على أي رد تلتزقه

2026-08-04

v4.8

- زرار «طباعة / PDF» في لوحة الأجهزة ولوحة وصل — يطلّع تقرير مرتب تختار من المتصفح تحفظه PDF أو تطبعه
- التقرير بيتبع اللي معروض بالظبط: نفس الفلتر ونفس السطور اللي قدامك
- فيه رأس فيه اسم الحساب، والمعرض إيه، وعدد السطور، والتاريخ والوقت، ورقم نسخة الأداة
- وفي آخره تنويه إن الأرقام لحظية واتسحبت وقت الطباعة

- التوكن مش بيدخل التقرير خالص، والصفحة بترجع طبيعية والداتا بتتمسح بعد الطباعة على طول

2026-08-04

v4.7

- «افحص رد» بقى يصلح الرد المكسور لوحده: كلام قبله أو بعده، وعلامات كود، وأرقام عربية، وعلامات تنصيص عربية أو مفردة، وفاصلة زيادة، ومفاتيح بلا تنصيص، ورموز HTML، وأرقام سطور، وأقواس ناقصة من نسخ مقطوع
- وبيقولك صلح إيه بالظبط، والنص اللي في الخانة بيتظبط عشان تشوف الفرق — مش سحر
- لو لزقت أمر cURL كامل ومعه الرد، بياخد الرد لوحده
- ثلاث أمثلة جاهزة: لستة عربيات، ورد فيه خطأ، ورد فاضي — تدوس عليها تشوف الشكل المتوقع
- لو ما قدرش يقرأ، بيقولك إيه اللي جربه ويعرض الأمثلة بدل رسالة خطأ جافة

2026-08-04

v4.6

- اتشالت رسالة «حظر CORS» من الأداة خالص — كانت بتقال في حالة السبب فيها عدم الاتصال مش الشبكة
- خطوة تسجيل الدخول في السيناريوهات بقت تتأكد إن فيه بيانات حساب قبل ما تشتغل، بدل ما تبعت اسم فاضي وترجع رسالة محيرة
- رسالة الفشل بقت تفرق بين حالتين: مش متصل، والريكوست ما وصلش للسيرفر — وكل واحدة بيقولك تعمل إيه
- الفرق ده اتقفل باختبار عشان ما ترجعش رسالة تشخيص غلط ثاني

2026-08-04

v4.5

- «ابدأ من هنا» بقت تنفع من غير اتصال — الموظف الجديد لسه مالوش بيانات عميل، فبدل ما يلاقي أول حاجة معطلة، بيتقاله إيه اللي يقدر يعمل دلوقتي وإيه اللي محتاج اتصال
- عداد التذاكر في آخر الصفحة: زرار واحد لما تقفل تذكرة، والتصعيد بيتعد لوحده لما تنسخ رسالته
- بيوريك نسبة القفل من غير تصعيد لآخر سبع أيام، وبيتصدّر إكسل جاهز لورقة القياس
- المحفوظ على الجهاز تواريخ وأرقام بس — مفيش أي بيانات عميل، ومتقفل باختبار
- اتصلح النسخ: كان بيرمي خطأ في المتصفحات اللي ما بتسمحش بالوصول للذاكرة بدل ما يستخدم البديل

2026-08-04

v4.4

- التبويبات رجعت ٦ بدل ٧ — «الدليل» بقى تبويب فرعي جوه «أساسيات الإنتاج» واللاتين مرجع فمكانهم واحد
- فاصل بصري في شريط التبويبات: أربعة للشغل اليومي، وبعده المرجع والأدوات
- اللينكات القديمة اللي بتفتح على الدليل لسه شغالة

- سكريةت تجهيز لجهاز جديد: بيّن كل الي البناء محتاجه ويجزّه — عشان مايقاش فيه شخص واحد بس يقدر ينشر

2026-08-04

v4.3

- اسم ملف الإكسل بقى إنجليزي بالكامل — الاسم الي فيه عربي وإنجليزي مع بعض كان بيتعرض معكوس في ويندوز، والوقت كان بيان 56-03 بدل 03-56
- الواجهة زي ما هي بالعربي — الاسم بس هو الي اتغير
- اسم الملف بقى يقول الفلتر بالظبط: WASL inquiry أو Devices GPS online idling
- «حدّد العربية» بقت «حدّد الجهاز»، وخانة الإدخال بتقول IMEI الأول

2026-08-04

v4.2

- الحالة بقت على طبقتين: أونلاين وأوفلاين بس في الأول، ولما تدوس على واحدة تتفتح حالاتها الأربعة تحتها
- المجموع مكتوب صراحة تحت الحالات — «حالات الأونلاين: 5 من 5» — ولو في فرق بيتقال بالأحمر إن الرد ناقص حقول
- الأوفلاين ليها حالاتها كمان، ومكتوب إنها آخر حالة اتسجلت قبل ما الجهاز يسكت
- أي بطاقة صغيرة تدوس عليها بتفلتر الجدول، والتصدير بياخذ الحالة في اسم الملف
- الضغط ثاني على أونلاين أو أوفلاين بيقل الحالات
- اتشالت اللوحة المكررة الي كانت تحت — نفس الأرقام كانت بتظهر مرتين

2026-08-04

v4.1

- الوقت في اسم ملف الإكسل بقى بنظام ١٢ ساعة مع AM و PM بدل نظام الـ ٢٤ ساعة

2026-08-04

v4.0

- ترتيب اسم ملف الإكسل اتغير: اسم المستخدم - التاريخ - الموديول - الوقت
- اسم الموديول بقى واضح في الاسم: «لوحة الأجهزة GPS» أو «لوحة وصل استعلام»
- الشرطات الجوانية بتتشال من اسم الموديول عشان الأربع أجزاء تفضل واضحة ومقروعة

2026-08-04

v3.9

- المؤشرات بقت تظهر في المساحة الفاضية جنب الرسم الدائري كمان، مش تحت بس
- بطاقات جديدة لأجهزة الـ MDVR، بتظهر بس لو الحساب فيه MDVR فعلاً
- «مش بتسجل» — الجهاز شغال والتسجيل واقف، يعني الكاميرا مش بتحفظ حاجة
- «تخزين شبه ممتلئ» — تسعين بالمية أو أكثر، التسجيل هيقف أو هيمسح القديم
- «حالة التسجيل مش راجعة» — الرد مفيهوش الحقل أصلاً. دي بتتفلتر وتتصدّر برضه عشان تبعثها لمصر

- التفرقة بين «مش بتسجل» و«مش راجعة في الرد» مقصودة — الأولى مشكلة عند العميل
- والثانية نقص في الـ API

2026-08-04

v3.8

- اسم ملف الإكسل بقى موحد في كل التصديرات: اسم المستخدم - الحاجة الي اتجايت - التاريخ - الوقت
- الاسم يقول المفلتر إيه: «GPS» أو «ساكتة أكثر من أسبوع» أو «وصل - استعلام» — الملفات بتترتب نفسها في مجلد التنزيلات
- اتصلح سبب توقف التحديث التلقائي: خدمة الخلفية كانت ممكن تتقدم من كاش المتصفح، فالنسخة القديمة تفضل شغالة
- الفحص بقى يشتغل كمان أول ما ترجع للتبويب، مش كل عشر دقائق بس
- في تبويب الدليل بقى مكتوب: اللي شغال عندك، واللي على السيرفر، وآخر مرة اتفحص فيها — وزار فحص فوري
- الزرار يقولك النتيجة صراحة: «انت على أحدث نسخة» أو سبب فشل الوصول للسيرفر

2026-08-04

v3.7

- لما تفلتر بنوع جهاز، بتظهر مؤشرات مخصصة للنوع ده
- GPS و MDVR: أونلاين وأوفلاين، والأونلاين متقسمة لأربع حالات — متحركة وشغالة، وواقفة وشغالة (وقود بيضيع)، وواقفة ومطفية، ومتحركة ومطفية (يا سحب يا حساس غلط)
- الوحدات الثابتة: الأونلاين والحساسات اللي راجعة — حرارة ورطوبة وبطارية ومصدر الكهرباء، بقيمها
- MDVR: نفس حالات الحركة، وزيادة عليها حالة التسجيل والتخزين
- لو السرعة أو حالة المحرك مش راجعين في الرد، الأداة بتقول كده صراحة بدل ما تعرض أصفار
- الريكوست اللي اتعدل من رصد المنصة بقى عليه علامة واضحة في لوحته، بتاريخ الرصد وشكل البودي المرصود

2026-08-04

v3.6

- التصدير بقى ملف إكسل حقيقي بدل CSV — من غير أي مكتبة خارجية، فالأداة فاضلة ملف واحد شغال من غير نت
- قسم جديد في لوحة الأجهزة: «محتاج تصدّر» — بيقلب اللوحة من وصف لأرقام تتصدّر عليها
- ساكتة أكثر من أسبوع، وساكطة أكثر من يوم، ومن غير IMEI ولا سيريال، وما رسلتش ولا مرة، وموقوفة
- ومش مسجلة في وصل — بيتحسب بتقاطع لوحة الأجهزة مع لوحة وصل، ويبين بعد ما تجيب لسته وصل
- كل بطاقة تدوس عليها تفلتر الجدول، والتصدير بيترّل المفلتر بس

- ولو كل حاجة سليمة، القسم يقول كده صراحة بدل ما يعرض بطاقات فاضية

2026-08-04

v3.5

- موديول «ارصد ريكوست من المنصة» جوه تبويب الفحص، بخطوات مكتوبة: افتح أدوات المطور، Network، Fetch/XHR، كليك يمين، Copy as cURL
- تلق الأمر والأداة تحللّه: الإندبوينت، وشكل البودي، ونوع المحتوى، ووجود التوكن
- بتقارنه بالكولكشن وتقولك الفرق بالظبط — شكل بودي مختلف، أو ميثود، أو توكن، أو إندبوينت مش موجود أصلاً
- زرار «طبّق التصحيح»: الشكل المرصود يبقى أول صيغة يجربها التصحيح التلقائي، وبيتسجل في المعرفة تلقائي عشان تصدّره وتبعته
- التوكن اللي جوه أمر الـ cURL بيتشطب من العرض ومن اللي بيتسجل في المعرفة

2026-08-04

v3.4

- رصد من منصة أفاقي نفسها: بعض الإندبوينتس بتاخذ data كنص JSON مش ككائن، والريكوست application/json مش form-encoded
- سلّم التصحيح بقي يجرب الصيغتين دول لوحده لما الشكل العادي يفشل
- الملاحظة اتسجلت في المعرفة مع الفرق بين اللي في الكولكشن واللي المنصة بتبعته فعلاً

2026-08-04

v3.3

- لوحة وصل جوه تبويب اللوحات: مفتاح فوق بين «الأجهزة» و«وصل»
- دوسة واحدة بتجيب كل العربيات المسجلة في وصل عند الحساب المتصل
- بحث فوري في اللسته بالـ IMEI أو الاسم أو اللوحة — لّو اللسته كبيرة وانت عايز جهاز أو اتنين
- زرار الاستعلام بيستعلم عن المعروض بس مش عن الكل — تدور الأول وبعدين تستعلم، عشان ما نضرب حساب العميل بمية ريكوست وانت عايز اتنين
- الاستعلام بيمشي واحد واحد مع عدّاد وزار وقّف، وبيسأل قبل ما يعدي الستين
- التصدير شغال في أي مرحلة: اللسته لوحدها، أو اللسته بحالة وصل بعد الاستعلام
- سيناريو وصل القديم اتشال — بقى موديول تدوس عليه بدل خطوات

2026-08-04

v3.2

- تبويب جديد «لوحة الأجهزة»: يجيب عربيات الحساب ويقسّمها بنوع الجهاز — GPS ووحدة ثابتة و MDVR
- رسم دائري بلون لكل نوع، ودوسة عليه أو على اسم النوع بتفلتر الجدول والأرقام مع بعض
- جدول بكل الحقول اللي رجعت فعلاً — الأعمدة بتتاخذ من الداتا نفسها مش من قائمة ثابتة، فلو ظهر حقل جديد بكرة هيبان
- تصدير CSV بيصدّر المفلتر بس، وبعلامة ترميز عشان إكسل ما يكسرش العربي

- لو حقل نوع الجهاز مش راجع في الرد، الأداة بتقولك صراحة بدل ما تعرض صفر أو تفضل ساكتة

2026-08-04

v3.1

- سيناريو جديد: «الجهاز مسجل في وصل ولا لأ؟» — تلصق الـ `IMEI` والأداة تجاوب
- أربع خطوات: تجيب عرييات وصل عند العميل، تدور على الـ `IMEI` ، تستعلم من وصل نفسها، وتعرض الحالة
- يفرق بين ثلاث حالات: مسجل، ومش مسجل، والحساب مالوش وصل أصلاً — وكل واحدة ليها رد نهائي مختلف
- لو مش مسجل، بينه إنه ممكن يكون مسجل في وصل من برة أفاقي — الاستعلام بيشوف تسجيل الحساب ده بس
- الاستعلام بيسأل وصل نفسها مش نسختنا، ويعرض الحقول اللي رجعت زي ما هي من غير تفسير

2026-08-04

v3.0

- الاسم الصح «وصل» مش «واصل» — اتصلح في كل مكان في الأداة
- البحث بيلاقىها باللاتين، لأن ناس هتكتب «واصل» بحكم العادة
- اتشال اقتراح «واصل» من صف الأمثلة تحت خانة البحث

2026-08-04

v2.9

- الريمي وسجل التغييرات بقوا بيتولدوا من نفس المصدر — كانوا يدوين ووقفوا عند v1.8 والأداة على v2.8
- اللينكات المؤقتة اللي فضلت من أول يوم اتصلحت — الريمي وملف النشر كانوا لسه بيقولوا اسم مستودع مش موجود
- حارس جديد في البناء: أي ملف بيقول رقم نسخة لازم يقول نفس الرقم، وأي لينك مؤقت بيقف النشر
- القاعدة الذهبية بقت مطبقة على كل الملفات مش على الدليل بس — اللي يفضل يدوي بيقع

2026-08-04

v2.8

- باگ مكسور اتكشف واتصلح: «من الـ `IMEI` للرد الجاهز» — أول حاجة في الشاشة — كانت بتقع تمامًا. دالة اتشالت وفضل اللي بينده عليها موجود
- الباگ ده كان صامت: مفيش رسالة خطأ، الشاشة بتقف وخلاص. اتكشف بأداة مراجعة يتمشي على الكود كله مش بالتجربة
- المراجعة الساكنة بقت جزء من البناء: بتدور على نداءات لحوال مش موجودة، وتعريفات مكررة، وكود ميت — والبناء بيقف لو لقت حاجة
- اتشال كود ميت: دالتين متعرفتين ومحددش بيستخدمهم
- اختبار جديد يتمشي التدفق السريع كامل: `curl` ← `IMEI` ← `UID` ← تجربة ← `curl`

v2.7

- تبويب جديد «افحص رد»: الصق أي رد JSON — بتاعك أو اللي العميل بعتهولك — والأداة تحوِّله لجدول مقروء بأسماء وأرقام وعدادات محوِّلة
- ساعات التشغيل بتحوِّل من ثواني لساعات في الجدول أوتوماتيك، والملخص بيقول إن التحويل حصل
- لو الرد فيه خطأ، يتعرض السبب والحقل المرفوض بالاسم — نفس تشخيص التجربة الحية
- ييمسك الـ JSON المكسور وبقول السبب، وبيقول لو الرد فاضي بدل ما يسببك تحرّر
- زرار «نسخ ملخص للعميل» بيطلع أول عشر سجلات في نص إنجليزي مرتب بدل JSON خام
- اتأكدنا بالتجربة إن نسختين شغالين مع بعض مفيش بينهم أي تداخل — توكن ولا عربية ولا كاش

2026-08-04

v2.6

- اتضافت ورقة قياس في المستودع: الأرقام اللي بتقول هل الأداة نافعة فعلاً، وإزاي تجمعها

2026-08-04

v2.5

- سباق الردود: لو فتحت ريكوست ثاني وانت مستتي رد، الرد القديم كان بيوصل ويكتب فوق الشاشة الجديدة. دلوقتي بيتجاهل
- ملف المعرفة المستورد بقى بيتنصّف من أي وسوم قبل العرض — كان ممكن ملف من حد ثاني يحقق كود في الأداة
- التركيز بيفضل جوه النافذة المفتوحة، والنافذة بقى ليها الوصف الصح لقارئ الشاشة
- عنوان البيئة المكتوب بالإيد بيتفحص، والخانة بتتلوّن لو الشكل غلط
- البحث اتحسن: تطبيع القاموس بيحصل مرة واحدة، والنوايا بتتفحص على السؤال مش على كل إندبوينت

2026-08-04

v2.4

- خلاص من السكرول جوه السكرول — البلوك الطويل بيتقفّل مع زرار «اعرض الكل» ورقم السطور، وعجلة الماوس بتحرّك الصفحة زي ما المفروض
- اسم الإندبوينت وأزرار التجربة والنسخ بيفضلوا ثابتين وانت نازل — مش هتنسى انت في أنهي ريكوست ولا هتطلع فوق ثاني
- الأداة اتظبطت للموبايل: التبويبات بتترطق، والشريط العلوي بيتلف، والكروت عمود واحد، وخانة البحث ما بتزوّمش في أيفون
- اتشالت أربع ارتفاعات ثابتة كانت متسيبة على بلوكات الكود وبتقص المحتوى من غير سبب

2026-08-04

v2.3

- زرار إغلاق واحد (x) بدل اتنين بنفس المعنى
- خانة العربية بتظهر بعد الاتصال بس — الشريط العلوي كان مزدحم من غير لزوم

- باغ خصوصية: لما تتصل بعميل ثاني، بيانات العميل الأول كانت بتفضل متخزنة — أسماء عربياته وأرقامه. دلوقتي كل حاجة بتتمسح مع كل اتصال
- مهلة 45 ثانية لأي ريكوست — كان ممكن يفضل «جاري الإرسال» للأبد
- شبكة أمان: أي خطأ في الأداة يظهر بسبب واضح وزارر تحديث، بدل شاشة فاضية

2026-08-04

v2.2

- هيدر النافذة بقى ثابت مع زرار x — مكنتش بتوصل لزارر الإغلاق إلا بعد سكرول طويل
- زرار Esc برضه بيوقف، ودوس بره النافذة كمان
- وضحنا ليه التوكن ظاهر ك <YOUR_TOKEN>: عشان لو صوّرت الشاشة وبعثتها للعميل ما يخرجش
- زرار «أظهر التوكن» لو محتاج تشوفه أو تنسخه من الرد نفسه — والرد اللي بيروح للعميل بيفضل متشال منه مهما حصل

2026-08-04

v2.1

- اتصلح إن «انسخ رد كامل للعميل» كان بيقول «الرد الحقيقي مش موجود» حتى بعد ما الريكوست ينجح
- السبب: تعديلات على دالة التشغيل ما اتطبقتش أصلاً — الاستبدال ما لقاش النص وعدّي من غير ما يقول، والنشر عدّي
- دالة التشغيل اكتب من جديد: بتسجل النتيجة، وبتعرض الريكوست اللي اتبعت، وزارر النسخ بيطلع بعد النجاح
- حارس جديد في البناء: عشر علامات لازم تكون في الملف النهائي، ولو واحدة ناقصة البناء بيوقف
- اختبار جديد بيمشي التدفق كامل: تشغيل ناجح ← الرد الحقيقي جوه الرد الجاهز ← التوكن متشال
- الشريط بقى يقارن أرقام النسخ صح — كان ممكن يقول «في نسخة أحدث» وهي أقدم لو ملف النسخة أتأخر في الكاش

2026-08-04

v2.0

- اتصلحت مشكلة إن شريط «في نسخة أحدث» كان بيفضل يطلع مهما تعمل تحديث
- السبب كان ثلاث طبقات كاش فوق بعض: كاش المتصفح، وخدنة الخلفية، وكاش الأداة — والتحديث كان بيّفك واحدة بس
- زرار «تحديث» بقى يمسح كل الكاشات ويُلغي خدمة الخلفية ويعيد التحميل من الشبكة
- اسم الكاش بقى فيه رقم النسخة، فأني نشر جديد يُلغي القديم لوحده
- الصفحة بتتجّاب من الشبكة متجاهلة كاش المتصفح — سيرفر الصفحات كان بيرجّع نسخة مخزّنة لحد عشر دقائق
- «لأ شكرًا» في شريط التثبيت بقى يفضل مقفول طول الجلسة

2026-08-04

v1.9

- زرار «انسخ رد كامل للعميل» انتقل فوق خالص — كان مدفون تحت البودي والأمثلة ومحدث لائقه
- معاه زرار «جرب دلوقتي» في نفس الشريط، تحت اسم الإندبوينت مباشرة
- الشريط بيقولك لو انت متصل ولا لأ، عشان تعرف الرد هيبقى فيه النتيجة الحقيقية ولا لأ
- اتصلح باگ كان بيوقف تشغيل الأداة في نصه: الكود كان بينده على عنصرين مش موجودين في الصفحة
- اختيار جديد بيتأكد إن كل عنصر الكود بينده عليه موجود فعلاً — 96 مرجع اتفحصوا

2026-08-04

v1.8

- الأداة بقت تثبت على الجهاز زي أي تطبيق — أندرويد وآيفون وويندوز وماك
- بتفتح بأيقونتها من غير شريط متصفح، وليها اختصارات للتبويبات
- بتشتغل من غير نت في البحث والشروحات والأمثلة — التنفيذ الحي بس هو اللي محتاج نت
- التنسيق اتظبط للشاشات الصغيرة: الشريط العلوي والتبويبات والأزرار
- زرار «نسخ رد كامل للعميل» بقى واحد في كل مكان — كان ثلاثة بيدوا تلات حاجات مختلفة، ودي كانت لخبطة
- الزرار بيدي الرد الحقيقي لو شغلت الريكوس، ولو ما شغلتش بيقولك «شغله الأول» بدل ما يدك قالب ناقص

2026-08-04

v1.7

- الأداة بقت تعرف لوحدها لما تنزل نسخة أحدث وبتقولك — من غير كده الفريق يفضل شغال على نسخة قديمة مخزنة في المتصفح
- شريط فوق بيقول رقم النسخة الجديدة وإيه فيها، وزرار بيحدث ويرجعك لنفس التبويب
- البناء بقى يشغل كل الاختبارات ويبقى لو واحد فشل — مستحيل ينشر حاجة كسرت حاجة قديمة

2026-08-04

v1.6

- إضافة العربيات وحذفها اتشالوا من الأداة نهائيًا — مش مخفين، مش موجودين أصلًا
- خمس ريكوسات: الإضافة، والحذف، والحذف الجماعي، والحذف النهائي، والحذف النهائي الجماعي

2026-08-04

v1.5

- زرار «نسخ رد كامل للعميل» بعد أي تجربة ناجحة — يلمم الإندبوينت والهيدرز والبودي والرد الحقيقي في بلوك واحد
- الردود الكبيرة بتتقص أوتوماتيك: أول عنصرين مع سطر بيقول العدد الكامل — بدل إيميل فيه ٨٤٧ عربية
- زرار «عرض نضيف للقطعة» بيفتح نافذة من غير أزرار عشان الصورة تطلع مرتبة

- التوكن بيتشال من الرد والبودي قبل النسخ

2026-08-04

v1.4

- البحث بقى يشتغل وانت لسه بتكتب — «عاوز قاى» بتلاقي النتيجة من غير ما تكفل
- الهميزات اتوحدت: «قائمة» و«قايمة» و«إشارات» و«إشارات» بقوا نفس الحاجة
- الأرقام العربية بتتقرا: تلصق `IMEI` بأرقام ١٢٣ والأداة تفهمه
- طبقة نوايا للأسئلة اليومية: «سرعة» توديك للإشارات، «عدادات» للسنة، «تسجيل دخول» للوجين
- نداءات بروتوكول الجهاز نزلت آخر الترتيب — الدعم عمره ما هيبعتها لعميل
- «مفيش نتيجة» ما بتطلعش وانت لسه بتكتب

2026-08-04

v1.3

- نافذة بتطلع قبل أي ريكوست محتاج رقم كيان ثاني — عربية أو حدث أو سائق أو منطقة أو مستخدم أو حساس أو مجموعة أو قالب أو عميل
- زرارين: «اجيبهولك أنا» بتكتب الاسم والأداة تجيب الرقم، أو «وريي الخطوات» تروح تجيبه بنفسك
- الفريق شغال بالأسماء والسيستم شغال بالأرقام — الأداة بقت الترجمة بينهم
- الأرقام الي اتحلّت بتفضل للجلسة كلها، وبتحط في أي ريكوست تفتحه بعدها

2026-08-04

v1.2

- التشخيص بقى يقرا `message` و `errors` من الرد الأول، والكود الرقمي آخر حاجة — الأكواد هنا مش قياسية
- شرح الحقول المرفوضة بالاسم: أنهى حقل اترفض وليه
- تحذير قبل التجربة لو الريكوست محتاج عربية ومحدث حدها
- تصليح فخاخ عينات الكولكشن: `offset` كان بيبدأ من 50، وتواريخ من 2019 — بيتطبطوا وبيتقالك إيه الي اتغير
- حالة جديدة في الأخطاء المعروفة: `validation_error` مع `unit_id` : `not_found`

2026-08-04

v1.1

- قفل إعادة المحاولة على ريكوستات الدخول — كانت بتقدر تقفل حساب عميل
- «جرب مرة واحدة» على تسجيل الدخول بقى بيستخدم بيانات الجلسة بدل العلامات
- صندوق «الريكوست الي اتبعت فعلاً» تحت كل تجربة، ببصمة آمنة لكلمة السر
- كارت «الأساس — من الـ `IMEI` للـ `UID`» اتنقل لتبويب الأساسيات
- رقم نسخة ودليل جوه الأداة
- زرار تنزيل الدليل جوه الأداة، مع رجوع تلقائي للطباعة لو الملف مش موجود

- زرار رجوع، و زرار الرجوع بتاع المتصفح بقى يشتغل جوه الأداة. والدليل بيفتح في تبويب جديد فما يستبدلش الشاشة

2026-08-04

- **v1.0** النسخة الأولى — 534 ريكوست، 8 سيناريوهات، بحث بالعامية، عربي وإنجليزي

2026-08-03

المستند ده بيتولّد من نفس مصدر الأداة. أي تعديل في الأداة بيظهر هنا في نفس اللحظة.
استخدام داخلي — فريق الدعم الفني.